



UNIVERSITÄTS-
BIBLIOTHEK
PADERBORN

Catalogus Episcoporum Hildesiensium

Letzner, Johannes

Hildesheim, [ca. 1690]

XXXI. Joannes I.

[urn:nbn:de:hbz:466:1-64252](#)

matiensis, prope Heidelbergam, ubi ad mortem rite
comparatus eandem obiit Anno 1248. 18. Decembr.

X X X. HENRICUS I. Præpositus Hei-
ligenstadiensis à potiore Electorum parte electus,
contra Hermannum Præpositum Brunswicensem
paucioribus suffragiis suffultum, triumphavit: fa-
cultates Ecclesiæ decimis aliisque bonis auxit, op-
pignorata redemit, superatis compositisque multis
turbis, redditâ Diœcesi quiete temporali, ipse ad re-
quiem æternam migravit Anno 1257. 25. Maij & in
Cathedrali ad aram S. Catharinæ sepulchrum reperit.

X X XI. JOANNES I. Natus est in Schle-
de pago hæreditario Comitatûs Woldebergensis,
qui ipsius dono accessit Cathedrali Collegio; pri-
mùm Canonicus, deinde in Monte S. Mauritii Præ-
positus, Anno demum 1257. omnium consensu ele-
ctus Episcopus. Substitutis in locum priorum Re-
ligiosis aliis, Bartelsrodam, novale Mariæ seu Ma-
rienrodam appellari voluit. Gunzelinus Comes
Peinensis cùm prolibus careret, consentiente Fratre
Ludolpho Beatissimæ Virgini & Joanni Episcopo
certis conditionibus Comitatum cessit Anno 1260.
Denique longiore vitâ dignus debitum naturæ solvit
Anno 1261. 14. Septembris, magnóque omnium luctu
in Ecclesia Cathedrali sepultus.

X X XII. OTTO I. Filius Ottonis, Frater
verò Alberti & Joannis Ducum Brunswicensium;
Anno ætatis 13. Subdiaconatum suscepit, eoque so-
lùm initiatus 14. annis Episcopatum utilissimè re-
xit. Anno ætatis 27. Sacerdotium admisit, & jussu
Pontificis à Wernerò Archi-Episcopo Moguntino

E

con-